

Broj: 13/06-3-02-3-219-1/22 I.P.  
Sarajevo, 10.02.2022.godine

Primijeno: 15-02-2022			
Org. jed.	Broj	Priloga	Vrijednost
05/2	- 02 -	38	122

**BOSNA I HERCEGOVINA**  
**FEDERACIJA BOSNE I HERCEGOVINE**  
**PARLAMENT FEDERACIJE**  
**DOM NARODA**

n/r sekretar mr.sci.Izmir Hadžiavić

**PREDMET: Odgovor na delegatsko pitanje delegatkinje Ljubinke Atanasijević, dostavlja se**

Poštovani,

Porezna uprava Federacije BiH je dana 04.02.2022.godine zaprimila delegatsko pitanje delegatkinje Doma naroda Ljubinke Atanasijević, a koje se odnosi na smještaj organizacionih jedinica Porezne uprave Federacije BiH navodno u svim prostorijama koje su vlasništvo lokalnih zajednica, odnosno općina i da se niti za jedan prostor ne plaćaju zakupnine, odnosno da li postoje izuzeci od ne plaćanja zakupa i u kojim općinama, koliki je iznos zakupa koji se plaća u tim općinama, te da li je istina da Porezna uprava Federacije BiH redovno godišnje planira i izdvaja sredstva za održavanje prostora u lokalnim zajednicama i da li su zaista utrošena u skladu sa namjenama ?

Prvenstveno, želimo da Vam se zahvalimo na postavljenom pitanju. Mišljenja smo da odgovor koji će Porezna uprava Federacije BiH dati na Vaše pitanje može poslužiti ili inicirati pokretanje pitanja obezbjeđenja Poreznoj upravi Federacije BiH adekvatnih službenih prostorija za uslovan i normalan rad zaposlenika Porezne uprave Federacije BiH kao i adekvatnih budžetskih sredstava za njen rad.

Da bi se dali potpuni odgovori na Vaša delegatska pitanja prvobitno je neophodno ukazati na historiju razvoja, transformacija i statusa Porezne uprave Federacije BiH. Naime, Porezne uprave su se ranije zvale Uprave društvenih prihoda i bile su sve do 1996. godine u sastavu općinskih organa uprave, izuzev što je u Gradu Sarajevu postojala Gradska uprava društvenih prihoda sa 10 Općinskih poreznih uprava koja je funkcionisala na navedeni način sve do početka agresije na Bosnu i Hercegovinu. Sve organizacione jedinice tadašnje Uprave društvenih prihoda su bile smještene uglavnom u sjedištima općina i nisu samostalno plaćale nikakve troškove, odnosno bile su sastavni dio budžeta općina, s izuzetkom Gradske uprave prihoda koja je imala svoj budžet i koja je bila učesnik finansiranja u nekretnine koje su sada u vlasništvu općina. Tako je Gradska uprava finansirala izgradnju općine Novi Grad, Hadžići i obnovu općine Centar u Sarajevu. Međutim, iako je Porezna uprava finansirala izgradnju i obnovu navedenih nekretnina ista se nije evidentirala u zemljišnim knjigama kao vlasnik već općine, iz razloga što Porezna uprava nije imala status pravnog lica. S druge strane, kako prije tako i sada, Porezna uprava je obavljala funkciju prikupljanja prihoda za općine i ne samo prihoda već je pratila i